

Cofnodion Cyfarfod y 3ydd Gorffennaf 2018

Yn bresennol :- Y Cadeirydd **Idris Thomas** a'r Cynghorwyr, Phyllis Ellis, Elfed Wyn Williams, Gareth Wyn Griffiths,, Richard Llwyd Jones, Lowri Hughes, Jane Pierce, R. Hefin Williams a Emma Chappell.

Roedd y Cynghorydd Elwyn Jones yn bresennol hefyd

Gweddi: Offrymwyd gair o weddi gan Idris Thomas

1.Ymddiheuriadau.

Aled Green, Martin Davies, Rhian Evans-Hill a Gwawr Wyn Roberts

2. Cyfethol

Braint oedd croesawu a chyfethol Lowri Hughes a fydd yn cynrychioli ardal Dinorwig ar y cyngor. Mae Lowri yn enedigol o gyffiniau Dinbych ac wedi ymgartrefu gyda'i gŵr a teulu ifanc yn Parc.

3. Safle Treftadaeth y Byd.

Braint oedd croesawu Mr. Roland Evans, Uwch Reolwr Economi a Chymuned Cyngor Gwynedd i'r cyfarfod.

Cafwyd cyflwyniad arbenig ar gais am Safle Treftadaeth y Byd i'r chwareli. Mae chwareli a llechi yn nodwedd bwysig o Ogledd Cymru a'r ardal. Mae Cyngor Gwynedd wedi cyflwyno cais i Adran Diwylliant San Steffan ers 2010, ac wedi cyrraedd rhestr fer, ond wrth gwrs mae yn broses hir, gyda tipyn o waith yn cael ei roi i mewn er mwyn derbyn y statws Safle Treftadaeth y Byd. Y gobaith yw cyflwyno y cais yma hwyrach ymlaen y flwyddyn hon. Drwy dderbyn y Statws bydd cyfle i dathlu ac adfywio bywyd y chwareli a'r ardaloedd hynny megis Dinorwig a Deiniolen sydd wedi dioddef yn sgil cau y chwareli, ac wrth gwrs bydd yn gyfle arbenig fydd yn cynyddu economi yr ardal. Ceir mwy o fanylion ar gwefan Llechi.cymru

Cafwyd cyfle i ofyn cwestiynau ar y diwedd.

Rhoddyd Diolch I Roland gan y Cadeirydd, gan ddymuno pob llwyddiant i'r cais.

3.Datgan buddiant

Dim

4. Cofnodion Cyfarfod 5ed Mehefin 2018

Derbyniwyd y cofnodion fel rhai cywir

5. Materion o'r cofnodion

Parcio Bro Elidir, Dinorwig – Derbyniwyd llythyr gan Gyngor Gwynedd, gan fod y lon yn ffordd cyhoeddus, mae yn agored i bawb ei defnyddio. Nid yw yn bosib rhoi arwydd "Preswylwyr yn Unig" gan na fyddai sail cyfreithiol iddo, ac yn beryg o greu cynsail. Yr unig opsiwn sydd ar gael i leihau defnydd o lecynnau parcio gan y rhai sydd ddim yn drigolion ar y stad yw cyflwyno cynllun parcio preswylwyr, sydd wrth gwrs â chôt i drigolion y stad am £50 y flwyddyn. Yn y cyfamser, mae Cyngor Gwynedd o amgylch yr ardal yn ystod yr haf yn cadw llygaid ar barcio.

Arwydd Llwybr Carreg y Gath – Derbyniwyd llythyr yn cadarnhau ac ymddiheuriad fod yr arwydd cau y llwybr bellach wedi gywiro, ac am geisio fod mwy gofalus o hyn allan i

sicrhau nad yw hyn yn digwydd eto.

Clybiau Ieuenctid – Derbyniwyd llythyr gan Y Cynghorydd Craig ab Iago yn ymddiheuro am oedi yn ymateb, ac yn cynnig dod i drafod y datblygiadau diweddera. Fodd bynnag, mae trefniadau wedi eu gwneud bellach a byddwn yn croesawu rheolwr Clybiau Ieuenctid i gyfarfod mis Medi yn ei le.

Biniau Baw Cwn – Derbyniwyd llythyr gan Steffan Jones yn datgan fod y biniau yn cael eu gwagio yn wythnosol, a bod y Bin Baw ci ger Y Caban ar restr i'w symud. Y clerc i gysylltu yn gofyn pa ddiwrnod o'r wythnos mae'r casgliad a beth sydd yn dod o bin ychwanegol ger Fferm Garnedd.

Gwylanod, Penisarwaun – Derbyniwyd llythyr gan CCG yn cyngori unrhyw denant i gysylltu a nhw i'w hysbysu os oes unrhyw aderyn wedi bod yn nythu yn y simdde, a hynny pan fydd y nyth wedi ei wagio.

Lôn Perthi – Mae'r lôn ar restr clytio y Cyngor am eleni. Derbyniwyd llythyr yn datgan hyn, ond nid oes dyddiad pendant ar hyn o bryd. Mae'r lôn wedi ei marcio, felly efallai fod llygedyn o obaith y misoedd nesaf. Rwyf wedi cael addewid y bydd y cyngor yn cysylltu pan fydd dyddiad pendant.

Telerau'r Clerc – Bu i'r Is bwyllgor gyfarfod cyn y cyfarfod. Cafwyd adroddiad o'r cyfarfod gan R. Hefin Williams, lle nodwyd y trafodwyd nifer yr oriau gwaith y clerc l'r cyngor a dogfen tal clerod gan NALC. Cytunwyd fod pwysau gwaith y clerc wedi cynyddu yn sylweddol yn y 5 mlynedd diwethaf, a bod safon y gwaith wedi gorfod gwella a bod sgiliau cyfrifiadurol wedi cynyddu. Nodwyd fod adroddiadau yr archwilwyr yn canmol safon a prydlondeb y gwaith. Gyda atebolrwydd yn cynyddu yn gyson ar gyfer BDO, archwilwyr ac Un Llais Cymru ynghyd a mwy o waith yn cael ei drosglwyddo yn raddol o'r Cyngor Sir. Teimlwyd yn unfrydol bod safon a prydlondeb y gwaith yn ardderchog ac oherwydd argymhelliwyd bod y Cyngor llawn yn derbyn yr isod:

Cytunwyd I godi nifer yr oriau o saith awr a hanner i ddeuddeg awr yr wythnos ar y raddfa bresennol. Diolchwyd I pawb am eu cydweithrediad

6..Gohebiaeth a materion eraill

CCG – Derbyniwyd restr o gostau ychwanegol am wasaneuthau sydd yn cael eu cyflwyno i denantiaid CCG.

Rheoliadau Sefydlog – Mae copi diwygiedig newydd wedi dod i law. Penderfynwyd i'r clerc fynd drwy y gwahanieuthau, a'u cyflwyno mis Medi neu Hydref.

7. Cynllunio

Ceisiadau a dderbyniwyd yn ystod y mis:

Coed Bolyn Bach, Bethel– Trosi adeilad allanol presennol yn uned wyliau human gynhaliol.

Dim Gwrthwynebiad

Maes y Ffynnon, Bethel – Codi 7 ty yn cynnwys 2 dy fforddiadwy ynghyd a mynedfeydd newydd **Dim Gwrthwynebiad.**

1 Carfan, Pentir – Estyniad a newidiadau i'r uned wyliau a ganiatawyd dan gais rhif C12/1174/18/LL **Dim Gwrthwynebiad.**

Capel Sardis – Addasu Capel segur i ddau uned wyliau ynghyd a chreu llecynnau parcio - **Dim Gwrthwynebiad, cyn belled a bod amod l'r ceir fod oddi ar y long an fod y lon yn gul.**

8.Materion Cyllid

Cyflwynodd y Clerc cyfrifon o'r gwariant a dderbynion y chwarter cyntaf o'r flwyddyn,

ynghyd a'r rhestr taliadau a wnaed ers Ebrill 1af. Roedd ffurflen yn dangos y taliadau hyd yn hyn yn erbyn y gyllideb.

Yn dilyn codi oriau y clerc, nid oes posib newid hyn ar y gyllideb, ond bydd rhaid rhoi esboniad i'r archwilwyr ar ddiwedd y flwyddyn.

Cytunwyd yn unfrydol fod y taliadau yn hollol gywir.

9. GDPR

Yn anffodus, rydym dal i ddisgwyl am y cyfieithiad, ac felly methu symyd ymlaen ar hwnnw. Dywedodd y clerc ei bod wedi cysylltu a'r ICO, ac maent wedi derbyn y ffurflen. Mae ganddynt cymaint yn cofrestru, fel ei bod amlwg fod oedi yn yr ymateb.

10. Ffynnon Carreg y Gath

Dywedwyd fod giât wedi ei rhoi yno tua 5 mlynedd yn ôl. Gan fod pobl yn gadael y giât yn agored, rhoddwyd clo arni.

Penderfynwyd bod rhaid tynnu y clo gan fod yn iawn i bobl gael mynediad i'r ffynnon.

Bellach nid yw'r dŵr yn rhedeg yno. Yn dilyn ymweld a'r ffynnon, a siarad gyda'r perchnogion, mae angen torri y tyfiant ar y llwybr tuag at y ffynnon. Mae yn amhosib dweud os mai'r tywydd sych sydd yn effeithio llifiad y dŵr yno, felly disgwyl ac ond trin y llwybr yno ar hyn o bryd. Y clerc i gysylltu i drefnu hyn.

11. Clybiau Ieuenctid

Esboniodd y Cynghorydd Elfed Williams fod y cabinet wedi rhyddhau cronfa o £50,000 er mwyn cynorthwyo y Cynghorau Cymuned hynny sydd heb eu praesept i Glybiau Ieuenctid. Ond yn dymuno gweld y clybiau ieuenctid yn parhau. Mae Elfed yn ceisio sicrhau, trwy gymorth grantiau, i gadw y clwb ar agor. Penderfynwyd cysylltu a rhoi cais am ganran ar ran y Cyngor i'r gronfa yma, er mwyn gallu cefnogi i gadw y clwb yn Deiniolen ar agored.

12. O gwmpas y Bwrdd

Cronfa Diffriblydd Deiniolen – Mae yna gronfa yn agored ac yn derbyn rhoddion er mwyn cael diffriblydd i'r pentref. Mae Emma Chappell a Elfed yn cydweithio gyda Merched y Wawr. Byddant yn ddiolchgar iawn am unrhyw gyfraniad tuag ato.

Mynwent Macpela – Dywedodd Elfed mai unwaith y mis mae'r gwair yn y fynwent yn cael ei dorri, a Cyngor Gwynedd sy'n gyfrifol am hynny.

Bethel – Llwybr tu cefn i Capel Bethel angen toriad gan fod gordyfiant yno.

Gongla Priffyrdd - Tre Gof, Hen Eglwys, a Gwaelod Allt Sam – y clerc i gysylltu a Cyngor Gwynedd gan ei bod yn amhosib gweld wrth ddod allan i'r briffordd.

Gwteri – Mae gwteri yr ardal wedi eu cau gyda rwbal a baw, ac yn dilyn y tywydd sych, bydd mwy yn hel. Felly angen cysylltu a'r cyngor i'w llunau cyn y glaw ac i atal peryg o lifogydd.

Allt Ddu, Dinorwig - Mae'n ymddangos fod yr ardal yn cael ei adnabod bellach fel "Bus Turning Point" yn hytrach na "Allt Ddu". Y clerc i gysylltu a Cyngor Gwynedd gyda cais am arwydd "Allt Ddu".

Dymunwyd seibiant braf i bawb dros yr haf.